

叢書集成三編 第四八冊目錄

文學類



文別集——明

劉侍御集五十二卷(自卷十二至五十二)(又名：劉子威集)……………	明	劉鳳撰……………	劉侍御中圖	〇四八〇〇一
劉子威太霞草二十卷(劉侍御集自卷三十三至五十二)……………	明	劉鳳撰……………	劉侍御中圖	〇四八二六一
劉子威雜俎十卷(自卷一至三)……………	明	劉鳳撰……………	劉侍御中圖	〇四八六四九

劉侍御集

下

本書承國立中央圖書館借用影印

謹此

致謝

新文豐出版公司 謹啟

劉子威集卷之十二

長洲劉鳳子威撰

序

送歸憲使北上序

歸憲使自滇之役家居者久之以親老故戀戀也逮既獲奉大事其於心已無復之矣獨可不及時自効砥節官下極報稱之意乎夫時者千載不可復也今

天子睿冲煌煌仁聖哉海內欣然向風士之願

劉子威集

卷十二

二

依末光絕炎以自濯磨恨不能致之上耳迺自昔領憲布之方州以表率揚厲負荷甚重則所以圖效者安得須臾忘哉往以親故有所忍而待之今又何所復需且股肱四岳利國家尊主業宏輔弼益實專制之苟可以濟時之急何必計淹速日而致之恒恐不足者貞臣之業而忠國之至也即憲使之爲圖也始自爲理焉舉義憲以糾繩暴豪無不攝伏既給事省中義形於色奉典以贊辭命其所察舉益嚴以遂爰置方

岳則彈壓控馭凜有風裁雖俱在二千石列傳不側席讓此其爲烈豈有所顧不盡哉今其時既尚法治益蒸蒸吏無敢懈於位以偷一切且下

明詔求賢才令起家佐吏爲治無得優游養聲譽爲夫以時則務勤躬砥礪精勞蹟效爲急而以退託偃仰爲尤此豈得高謝無所事事之會乎故以憲使之峻烈厚勅三府累書上徵必且授華要重職倚以大政蓋自此始然予所望憲

劉子威集

卷十二

二

使者庸乃不盡也夫立功名者無方慮時變者迎而勿失故謹以奉之極所向乃無不力不敢違勢易形而專已自措此善就功而無不得者也若盡以法切劘之效必然之畫持立斷之議一於公而罔後恤豈不毅然必行哉顧今之治亦太章明矣綜核深盡動無遺慮幽隱必覈著無所遁匿然於惇大之化渾噩無象寬裕純厚而不務察者不少異與爲國者當恢張視聽示以涵覆長養而又兼容藏納垢疾無不受今繼

微必蕃盡物之情交際往來一裁以典制責吏止食蔬飲水迫促太甚且阜安昌庶之日而乃敦儉過中漢以不備法駕威儀見詰今之裁約矯飾至無所措手故願稍潤色以章采文物繁儀緝節以宏顯

國家盛治光耀於來裔益培植元氣此非今日之便計良畫哉雖廟堂之計當有弛張予奪非下所敢知然列岳效誠其於風化之汚隆始自意所向而輕重遂決況表章風喻皆其所得爲

劉子威集

卷十二

三

送何制閩之福建序

昔在禹命九州經別云閩居海中雖暨聲教固以荒外蓄周官閩隸則又以牧圉視之逮漢入職貢略與內地等然其人民固柔順易化地雖阻險而沃野千里足以自資自昔未嘗患苦中

國其爲不侵不畔之民久矣我

國家初建則又首服從迄今殷庶才僞往往是出迺邇者中夷寇創殘之後綏集者又十數年矣繁阜已不啻昔何子侯乃被

命開闢其地夫文化之於最萬邦也固欲使民至老不聞兵革然方國各置率以經武陳師鞠旅焉豈以治安而不祇戒崇明命乎哉若閩被海東南駭焱騰薄往來呼吸尤不可一日忘警是以上厓

劉子威集

卷十二

四

廟議其爲遠馭長撫綏靖之計蓋至詳以悉何侯世將家慷慨有意功名其受茲鉦鉞軍鼓之任罔不夙夜圖以身許國蔑有顧矣邇以入賀事畢道吳子壯其意爲道閩故以送之夫閩內阻海外限以崇山接界甌越其勢易以爲非然而不敢者以漸習深諳禮義父兄之教子弟之率有素也特儻弱不勝兵一有警使之卷甲而趨攝弓而馳則恒怯幾乎僨敗矣求以有功其將能乎若往者役皆召外兵僅而克之後乃

益募士屯戍。予嘗周歷海上。按軍實。蒐乘簡汰之矣。皆烏合不逞少年。平居則梁倚驚驚不服馴。及督之凌陣。則爭先死敵者。安可望之。令之進而不進。止而不止。前後上幕府以不中率。召下鍾官。不至。理又不肯置對。悖桀不可如何者數矣。徒勞縣官供饋。則又非一日之故也。至衛卒尤弊而易訐。若驕子故原閩之患。始於姑息而軍法不立。恣其要求。復諱於欺詒。養護醞釀成之。自非有專斷之才。行之以果明於勸懲罰。

劉子威集

卷十二

五

必行而無貸。以司馬致衆之法。訓之平時。誅後至者。則可以視吾旗鼓而爭效命矣。此不繫之將乎。傳云。一夫善射。百夫決拾。大抵江以南之俗。慄輕非無逸材。驍絕敢奮之士。顧教不先焉。故私勇犯分。椎埋作對。而怯於公戰。使令之必行。則可驅之蹈水火而患無選上哉。且閩內之則山澤之氓。遯於幽荒。習谿子黃間。隱伏肆剽掠。其人顧不可驅而出。使備他盜與。外則瀕海善舟楫。千里邀利。通貨賄以市於外國。一二長

吏或陰縱之。浚利也。深則敢公扞法網。無所忌。其啓隙兆。奸非上致之。則誰與。故非得廉武健吏。深治其狡禍之民。遏絕其黨。徙遷其豪。一蕩除之。而後施以寬惠。使無復者。則烏能愉快哉。然此固自監司任耳。今之命閩。其權寄也輕。雖期於共濟。而勢不得專。獨可振耀威靈。以揚厲光命。佐宣其間。慎固封守而已。若東略之不如。則亦預有事焉。而得謂請問諸文吏哉。余既習閩事故。喜爲何子侯談。若必欲舉舊典。則往

劉子威集

卷十二

六

置寨皆於海中。或去岸數十里。今畏涉皆內徙矣。率是而四封之內。儲峙器備。其廢缺也可知。顧閩非用武地。獨可文教綏耳。卽天下有事。嘗坐觀。旣不能患人。而亦不足以爲資。何侯方欲建武席卷。乘勝疏封爵。知閩且不久借也。

送蔣按察序

國家稽古。建官其重。外服尚亦昉周之受憲於王。習之司府。以致於民者乎。周之制。旣建方國。而又使大夫監之。則今之按察是矣。今之監郡

也既設巡守焉而又因地之輕重設兵焉復置監也乃蔣大夫自刑曹往矣所分地則楚之出諸郡也阻崇山之固帶以洞庭之險所謂舫船載卒循江而下則此其襟喉哉以地險而人輕勦故宿兵焉其在周掌固掌修城郭樹渠之固頒其士庶之守與設其飾器及有移甲而具財用皆主之是則今大夫之所守也若周知山林川澤之阻而達其道路又司險之所有事其攝兼之乎夫雖極治之世不忘備今之爲兵卽漢劉子威集 卷十二 七

其穢而鎮其浮非徒文告之以也皆若身臨焉而恤之其有悛而不攝則敦誨以固和之而後加以威怒攝而徹也而始置之矣視若彼貌爲政而實不從者遠乎哉故斯行也是且大庇民乎而獨於兵焉寄也夫司馬法其致民也與司徒共之而群吏聽誓於前皆因春秋之暇抗以師田之律設表令衆而信其期惟吾旗物鼓鐸鐃鐃之聽雖以簡軍實也而示之教尊卑長少輯比和協豈惟勇力之尚焉已哉故其師也和而惟吾所用之茲以大夫之能用典也而畀以楚之岳岳固今高山大川四塞之國也楚人銳而習於兵大夫勤而撫之其受憲也於以命我一二長吏朝夕警於位以布之其下有不如憲者從之以辟兵有如向之驕焉乎夫楚惟無量我是以保其旅不然洞庭之波而且滔汨蕩漭淫及我四鄙其何以靖諸而且望江漢之間有能恢我王略以事中夏者乎昔莫敖子華稱楚之不爲爵勸祿勉而奉社稷者則子文是也若

子高勃蘇皆能以其身拚楚方城之外今蔣大夫固社稷是謀豈獨爲楚然於表漢水而繫之思其猶從子文之烈也夫

送巡撫朱公擢南大理卿序

歲在商橫敦牂南服之民嗷然不安棄其田業執作而好詆譌鬻訟羯狹爲俗豪健者爭點詐以逞相貽藉陵轢幾無政矣事聞於

朝當路者憂之求所以綏輯而難其人也時大中丞朱公方撫戎畿內亦且未久而政化大孚

劉子威集

卷十二

九

乃徹以紓東南之急於是聞者皆欣欣以喜又再閱月而公始克至未及下車而罷所不便不啻數十事既下車條所宜行舉舊令申厲之者又不啻數十事已乃循覽民俗曰是其風黷矣亂無章矣夫揚越之民輕心易沸涌不圖難迺自古記之矣苟靖之以禮可臥而理也何徒取威重眩曜之爲且不惟和協是務以訓定柔服而日擾擾焉訟者必人厭其欲質成者視上所向背是胥相奪也則亦何政之有夫政猶水也

平則浸液滋漉咸取足焉而物不自覺激之則湍怒坊之則潰決夫民亦惟順循其故奚必有所繫盡反其俗求勝之哉故自公之入民已帖帖服矣既則人得其所宴然忘其昨之耗起而譁也然初未見公有所奮厲誅賞轉移若是其速故咸神公之化謂孔子猶云朞月後可今則未三月也顧若此何哉予昔隨公與計偕游甚洽見公論天下事必先辨其幾譬諸射挽強決拾調習簡服端審所向而發則無不中矣公蓋

劉子威集

卷十二

十一

握其機要以運量張弛與時推移又譬則操辟閭步光以宰割擗摘應機立斷其精光流越固使人怵心駭魄目不暇給者矣且東南負海夷衍又財賦之輿區也頃裔夷陟梁勢不得不陳兵而守歲之不時民力尤詘屬更張之事且不可知而公默以道消息呼吸而定此其決策目中而制勝域外尤彰彰者若其他通變成務因應善用底滯難行者曲而暢之不見其跡所規措裁融推行創革要使上下宜之而已故徃戍

至重也。征繕至繁也。轉輸至困也。造辭至譎也。案牒至淆也。賓旅至冲冲也。自昔積日累月。患不能究公獨若有餘裕。差次厚薄。程立期會。節限經度。禁奸止邪。覽聽竝舉。酬對不廢。事給而民力舒。吏無以搖其手。人之恃公。真若赤子慈母。謂不可一日釋。無幾何而南大理卿之命下矣。則又戚然若奪之寧宇。而發露之謂自今其何所庇哉。蓋公颺歷於外。又且將登公於政地。寄之以弼諧。故一歲而三遷其官。

劉子威集

卷十二

十一

主上之知公厚矣。卽雖東南重地。其奚能久淹公哉。於其行也。諸縉紳大夫咸望公以天下大計定。

宗社鴻業。豈惟吳實賴之。然所以爲吳者。知公獨拳拳矣。

送吳縣尹魏公序

閩魏公宰吳邑之三年。以旌命行鄉士大失集。而祖之罔不惠德。庸勳子戀疇。誦深思而不獲。曰公若之何。舍我且吾邑。泯莽浹洳。政是以麗。

民亦惟不靖。而恣淫間之。逮路弊不振。自夫子之來也。惟是典圖法令。月舉而日修之。以示無更於舊。而齊給敬敏。外內蠲慎。則有加焉。曰民用弗擾。其惟任土之貢實繁與。然吾有山川原隰。陂澤數野。而田疇以庸之。勤力以任之。若之何弗克。無亦惟是令之不時。教之不若。而侈縱其欲以盈之。若原水之畔渙。靡溝洫。猷疆以宣導。防壅之。幾何而不散越以竭也。其尚能漚而爲澤。疏而爲瀆。以浸潤百物。而生長遂成天地之功哉。夫民生有欲。在所以節裁之。吳之俗侈以誕寬。以浮夫侈則好盡。盡則匱。誕則汚。汚則誣。人寬則弛。弛則凌犯。浮則離離。則容姦。於是乎裁量以平之。象物以儀之。審用以議之。講事樹列而輕重布之。使不踰其則。經用有常。費出有極。百工以度藝事。以程冒沒者。辟逸惰者。辟游觀者。辟侈麗者。辟淫巧者。辟作無益者。辟紫敗素。器苦窳。不衷程者。辟共儉。視其居惇固。視其習粗厲之甘。而朴愿之尚。器幣交際。宴享成。

劉子威集

卷十二

十一

禮而已不繼以淫所以豐利養民人也明清以蔽有罪簡辭以懲不格慎稽以平百役昭哲以展百事參伍以辨隱伏湔滌浩蕩以出幽滯自詭以競者實之無縱爲人詭以競者實之無縱所以辟怨靖民審度不奸物也守府之憲極以二之無上下手以二三其聽塵則有征夫則有賦賦則有等等則以階階則以列無能淆者雖貴無所服事列於齊民其有請謁無自入焉無細抑大凌以忝鈞石尺寸之間必察耳目之用

劉子威集

卷十二

三

權制之設重以密矣恐教之未狎慮之未純則聯之以黨族傳之以長老道之以話言而又隱親以恤之董率以齊之綢繆反復以誨諭之民從之者如鶩以淹習簡服相漸於茂淳之化沛如矣夫雖一邑其政成矣德之咸暨民歌舞之矣詩曰悌悌君子干祿愷悌夫愷悌之言和樂也君子和樂於民雖不期祿祿將焉往是以知公必且大啓寵服以興在位又曰心乎愛矣遐不謂矣夫愛言仁之結也遐之言永思也公之

仁施於天下而吳藏焉永不忘也故於公之行也知豈獨吳之民懷之雖公亦豈能不惓惓於吳哉

送邵侍御還朝序

重夫今之使者按部內也其爲惠尚延及我世長我

國家無窮之基哉古者天子省方曰巡守各以一時遍於四岳不其遽耶且何以能給也當是時固簡道路之不逞則何暇舉典制從事乎故

劉子威集

卷十二

四

今者憲古有作若方岳歲以使者巡之必蕃而遍吳服雖在畿內然千里而遙其要且劇又非若他郡國比也使者之出載簡書以威命法禁從而吳實基王業本根四方以羸賦從天下力政雖分部止四郡地介江海沮洳被帶邊圉自昔稱難爲矣我於越邵公以歲在婁之玄月始至秉宣庶猷祚之明德齊敬之率禮命之示威儀之則億其上下以攝固和之夫旣敷前績陳緒功其光耀耿於民矣越有成慮曰是其無煩

刻轢侵之深督細故毛鷲重効爲也往者直詣
使乘傳按鞠輒根株逮務在深文訊治論當書
鉏去之稱愉快者謂暴豪犯法者衆不得已而
用之豈故欲厲威嚴事聲烈不惠恤哉今藉
天子寵靈忠信愿慙之長廉公奉法吏布在列
位所以致之民咸兢兢畏慎而民亦素祇德意
罔不懷卽支繁土委芒刀之不劇安得卻竅大
者勞批導哉且旣無名禍吏敢恣睢又無若嫺
氏宗族大者相亂敗何以施斷擊梨來之無類
劉子威集 卷十一 主

深得其情矜之折以哀敬捕督發覺者訊服卽
奏行不踰時論決乃罔不惟善良之植訓民之
不祥以底於恤搏本肇末勸之賞刑威怒除其
莠命介其讒慝比其嘉德柔其服從合其潰散
不日引不月長綱緝禁以明徵之校飾以篤誨
之宥寬以靖和之民之相應以自革而圖卽康
功孰敢厭其私以從其回不緝順哉故基而化
成今公將以治效賞第百吏之宣翼勞勩及所
讓詰法辟皆程事算與所觀采風俗聲詩時趨
劉子威集 卷十二 主

之會五方之音其所中何律上之太史以作稽
政化令百官齊戒受質庶幾有以藉手以復於
天子若曰東南距海壤賦俱上上天下倚以安
危臣奉令休勞之無敢不竭民蒙惠利深至傳
有之曰上專用德則以本教而操國固上叅用
辟則務時寄政而操國趨治積則昌尚需之待
所至哉今民不憚征繕以佐
國家不有以厚綏之無亦自艾傷之而何以能
集日者裔夷敢窺我間臣與二三將率躬扞之

海於悉殲之部中枹鼓不鳴者無非上之德然儆戒無虞是其可忘異哉蓋公之慮我吳至深以遠其膺保顧綏孚貽我永世賴規裁申畫彰輝豈徒效之一時赫赫在人耳目哉一歲之內封事屢上皆以佐寬民力與祗辟之釐舉法制報可輒見之施行不可勝紀而守便宜得專決者復不論也特其事多慎密或非所得聞且陳憲布常威重莫測愈益神明之故衆庶涵育焉孰知其所以然乎今其獻功於以論可否條

劉子威集

卷十二

七

列利害定萬世大計亦謂今天下之勢少急矣寬猛相濟誰能一之而可無患者況新服政亦罔不自初夫既能總覽之矣共儉之務以愛養元元守之信誠豈其阜殷之難而政猶敲朴用也則吳之從政尚亦得免於郡國後無窮之問豈惟民庶賴之時巡之義揚

天子休烈其光於古益信

送通政使周公序

隆慶初作

主上御極建置宰輔用統百官致天下之良材

聚天下之賢俊則有我周公召起自浙端委展前以詔燉而納之善於時敦誨舊老儒藝經術博聞弘達之士充於王庭徧於有位凡

上之服物章軌典制法令自密近而施之邦國與夫興置施予懲罰詰讓無不比於憲公執規盡諫顯諭匡導誘啓其衷而陳力致效於何不盡也若正色危言犯而不隱與救於既發力倍而功半者其事豈同日語哉蓋際良時佐隆治其勢若因洪飈而託纖羽引江海而沃槁枯故

劉子威集

卷十二

七

不見其勞蹟而潤澤周渥張舉振發有不假論說而成況其潛計深慮謀謨於廊廟者豈在野可得而言哉時且計公卽秉衡操成大啓我疆宇以純祐我萬世乃側聞公以簡命曰爾作納言南土惟是舊都王業本根爾其靖之其庸愈可幾乎故徹肘掖之親而分宣翼之寄去朝夕之地重臨監之任夫公於四方之政既所備具明昭利以敦道之當必有所崇樹余何知焉然竊有獻夫江以東在古不乃

甚重若今可不深圖乎東南沃壤強國貢賦分天下半其遇水旱不虞之患若吏理失職則上關

宗社大計貽宵旰及席是當求其源思所以消弭拊循長養之由不徒爲一方計實天下萬世計也且布上之德而遂之民者五屬之吏吏所以聽論斷擊者畫一之法今用舍既慎擇才益審吏皆賢明法更詳以密宜與昔加治而視閭井生殖繁富於昔何如也人情澆浮易動於昔

劉子威集

卷十二

七

何如也爰書填委毛摯於昔何如也是非吏不精敏法不備與教督不勤察舉不嚴之故也殆求治太過上下之情不甚相悉故雖竭精神盡心思民愈不見德理之而益勞澄之而愈淆其由此乎夫情貴於流通而或壅遏將使柄易於上勢竊於下其患於何不有乃自古識之矣然健者諱而逞讒說僞以辦僻以堅震驚交亂皆言是媒使言而不擇是衆爲政也則亦何有於治故自昔理亂往往因之而喉唇之司肺石之

任必求忠信明察之長觀變審勢識大體不徒以廣稽覽采流議苟遂譖愬爲也今咨於朝而得公其臨之固知其務慎也何有哉公行矣風之所趨是爲政俗輕重所由不必易置人之情矯而爲名也易立吁嫗而爲恩也易工略形跡而取衷於獨見也難持違衆欲而必申已也難遂是以君子之言多疑而細民之情易徇弘遠之議多格而萋菲之說易流單危微悴多以貌欺而士族世室每以實辜此沽矯激訐操切刻轢之習所以未絕也喉唇出納

劉子威集

卷十二

三

立春日集周公瑕止園序

予始與公瑕同游於博士學爲儒也時且俱少而公瑕以才名聞矣太史文徵仲氏折下之名公卿爭願識以爲得交晚而公瑕亦雅自負見試通一藝者輒補吏百石去獨心輕之慕長者

游如恐不足其日誦諸家書蓋餘數十萬言以時喜爲詩則又以詩名鴻都學久絕緒乃尤善凡將元尚篇卽宜官皇家之跡無不工故客至求書若詩卷不容軌焉乃公瑕所欲用其長庸爾乎嘗駕而遊所適輒慨然傷之方事之殷恨不一當彼其持構者何方所循以載大名而竊笑長者且吾不得賦事其若彼籍勢者何然其交皆天下有名士多推轂之余遊自梁而返公瑕方膺三府辟意者其有遇乎已而竟不就謝

劉子威集

卷十二

三

歸目所居園曰止示此區區者無以爲也今歲始交春和欲布予與三數君子偕集酒所相與和歌慷慨已相視而笑若無人乎側者夫往者狗屠椎剗張次公之屬猶且睢盱傲睨當世況予輩意氣直陵古賢豪出其上初豈願承意曲說不敢直引當否苟以徼一時名無所取舍以循謹稱哉顧今老矣俚賴無復之遂相與止乎彼抱關者何人斯而任俠公子且依以爲名記固云垂綬五寸情游之士也吾固不能強力有

四方志退與二三子共偃息耳獨如公瑕沈湮好書意且未量賓客故人猶日夜爲居間興一舉足則有所重也而耽此園游之適其亦將往而不返乎吾聞之書心有所至而神喟然在之反之於虛則消液空無此聖人之遊也故曰作與止時以爲客時以爲主庸有非乎故其止也適其遊也天吾且與遊於酒人乎酒酣以往意烏嘆嗚鳥界者非誠不能忘於懷將寓興乎風人之旨目蹀陽阿之調意存綠水之趨卽古者相命以詩也情見乎辭殆多感慨憤詖悲惋不平者則氣之致壯乎予不能知之矣且堯始作遊故居息偃仰皆義有所取公瑕之爲園也後倚專諸之市則申胥之所嘗吹簫也前望要離之塚則伯鸞之所願託也吾非宅是卜朝夕於斯焉意有所寄之若然者則滑稽脂韋視之有覩而激烈之氣時若周作儻滿譬之秦伎官知止而神欲行猶之非吾所及止也故觀於其堂顯隘以達卿設几席尊洗皆華而整宴豆有踐

劉子威集

卷十二

三

康境在列左廂置圖籍容謂之防則將和墨恬
筆乎右爲小閨連謂之篠潔涓以窅壁以白盛
燦若雪焉前擁沼蘭蕙盈砌文木翳蔚左右倚
以臺無室曰榭則可以遠眺望納爽清之候若
坐堂伏檻映池紫莖綠波戶牖被離無不稱愜
者其致美矣乎及延入小寢曲隅修奧牀第帷
帳雕幾纂組盈目焉夫丈夫意不可期卽富貴
厭足乎強而止矣吾與若所謂介介者無亦謂
以此耗落之聊自娛耳何復云摩之不輟頽猶
未闕耶

劉子威集

卷十二

七

冬日與客游天池序

管子云靜與作時以爲主人時以爲客余與二
三子遨於山澤間寬然自放無有營務役勞其
躬循物之理殆有休遂安恬得所用者夫正靜
不與時爭極動適不與時爭始未得天始則隱
於幾已得天用則肆於力吾與時寧爲主乎將
爲客乎時玄冬萬物閉藏蕭蕭落寂謐雨陰方霽
雖繁蕭厲然寒景翳興漸和融陰曠迫日晡

薄之愈曠遠無霏迺與三數子舟泳焉微風且
息坐中流榜之洄滴輳舳擊激盪涌蜂衝坻紆
沿鴈鷺渚羽馱馱掠岸翔藻荇半盡沉影耽耽
竝西山遵趾上歷猷厖遂洳數區道一小嶺稍
憩不暇尋遽前徑松栢中至天池之麓磽礧突
深石硯破立濱濤雲淙淙下池闌潏碧迤靡渺
然成思峯嶸岑奔澗道渾渾甚古顛有若華焉
者寺宇雜唯隗際嶮嶭時出樹石絡之奇勝不
可名夫是中吾壤與阻黜絕日堂竟於前者峯
勢雄逸泉色渙潏洒濯風雨灌淪川陸卽微渚
泥猶使狂者醒勞者蘇矣冬日澹之氣灝灝浮
遂據靳阻四望天更窅邃境出蕭寥上吐珠於
澤視不能窮使人情怗意縱又若暢於暄妍忘
淒栗黷黷之候者是地使然耶日固當溫燠傳
所云冬日之日者其是謂邪且靜不謀於作時
與之偃仰寒不謀於燠日與之出入吾所謂無
事者時縱尋藪陴極所之隱奧靡不臻降自撫
其凌厲踰邁絕俗之想方復陶然廢放於廣朗

劉子威集

卷十二

七

確礪中有所會故澹澹來者與吾無所逆。確礪傳於無所染者日以遷化。况不知所際。吾且與中靜不留。吾其璦於石乎。吾益錯其光。滌於彼滔滔者乎。吾益洗濯其神而不爭時。故吾自以無所之矣。吾所以相羊劉覽。安徐能定于于然。與爾遊者。初豈有所願。與吾觀方事之殷。群起而攻之。以不得事爲恥。顧以不先爲之形其事。乃不成。而彼守事者。規規然自拘牽凝滯。何能有一日之澤。而且以此不貲奉之。今吾氣蓋此山。瀆而滅視。彼千載流浪。日月余能忘。與抑有所遣。與景公牛山之嘆。諛臣梁丘據且隨之。獻歛雖晏子之對。其未及情耶。若余所謂達者。於留連色澤。眺覽形勢。苟以消其阨隘。曾中與時物之榮落。慘舒去留。若甚焉者。然使一當吾意。則千古不足遽也。

劉子威集

卷十一

重